

**«Педагогикалық идеялар фестивалі»
республикалық фестивалін өткізу жөніндегі
ұйымдастыру комитетінің ережесі**

Жалпы ережелер

1. Осы «Педагогикалық идеялар фестивалі» (бұдан әрі - Фестиваль) республикалық конкурсын ұйымдастыру және өткізу тәртібі «Білім туралы» Қазақстан Республикасының Заңын, Қазақстан Республикасында білім беруді және ғылымды дамытудың 2016 – 2019 жылдарға арналған мемлекеттік бағдарламасын іске асыру мақсатында әзірленген.

2. Фестивальді жылына бір рет Қазақстан Республикасы Білім және ғылым министрлігінің «Дарын» республикалық ғылыми-практикалық орталығы (бұдан әрі – «Дарын» РҒПО) өткізеді.

3. Фестивальге директорлар, директордың оқу-тәрбие жұмысы жөніндегі орынбасарлары, білім беру ұйымдарының барлық түрлері мен типтерінің педагогтері, мектепке дейінгі ұйымдардың тәрбиешілері мен әдіскерлері, музыка қызметкерлері, қосымша білім беру педагогтері, сынып жетекшілері, психологтар, логопедтер, дарынды балалармен жұмыс жасайтын өңірлік орталықтардың әдіскерлері қатысады.

4. Әр қатысушы жеке қатысады, топтық жоба қарастырылмаған.

5. Фестиваль қоғамға өзінің зияткерлік еңбегінің нәтижесін көрсеткісі келетін және кәсіби қауымдастықтың ішінде үздік педагогикалық тәжірибесімен бөліскісі келетін белсенді және шығармашыл педагогтерге бағытталған.

6. Фестиваль білім берудегі технологиялар мен әдістемелерді жетілдіруге, тәжірибе алмасуға, мұғалім мамандығының дәрежесін өсіруге, заманауи мектептердің кадрлық әлеуетін қолдауға, Қазақстанның мәдени-білім беру кеңістігінің бірлігін қамтуға, мобильді білім беру ортасында тиімді жұмыс жасау үшін басшылар мен педагогтердің шығармашылық қабілеттерін ашуға, коммуникативтік және басқа да құзыреттіліктерді дамытуға бағытталған.

Фестивальдің мақсаты мен міндеттері

7. Фестивальдің мақсаты - педагогтердің кәсіби өсуі мен өзін-өзі шығармашылық жағынан жетілдіруін ынталандыру, Қазақстан мектептерінің мұғалімдері мен басшыларының инновациялық тәжірибелерін зерттеу және тарату.

8. Фестивальдің міндеттері:

- педагогтердің кәсіби шеберлігін көтеру;
- білім беру кеңістігін ғылыми-әдістемелік қамтамасыз етуді жетілдіру;
- озық педагогикалық тәжірибелерді анықтау және тарату;
- заманауи инновациялық білім беру технологияларын енгізу және тарату;
- педагог мамандығының имиджін дұрыс қалыптастыру;
- тәжірибе алмасу және орта білім беру жүйесін жаңарту бойынша өзекті мәселелерді талқылау үшін пікірталас алаңын құру;
- жас педагогтерге психологиялық-педагогикалық қолдау көрсету;
- жаңашыл педагогтердің мазмұндық-құрылымдық үлгісін әзірлеу.

Фестивальді өткізудің шарттары мен тәртібі

9. Фестиваль мынадай бағыттар бойынша өткізіледі:

1) «Білім беру жүйесіндегі менеджмент» (директорлар, білім беру ұйымдары директорларының орынбасарлары, білім беру және «Өрлеу» БАҰО АҚ, психологтар мен әлеуметтік педагогтер);

2) «Әртүрлі сабақтар, бірақ әрқайсында шебердің қолы...» (пән мұғалімдері);

ғылыми-жаратылыстану бағытындағы пәндер (химия, биология, география, экология);

физика-математикалық бағытындағы пәндер (математика, физика, информатика);

қоғамдық-гуманитарлық бағытындағы пәндер (қазақ, орыс, ағылшын тілдері, әдебиет, тарих, құқық);

ағылшын тіліндегі жаратылыстану-математикалық бағытындағы пәндер; қолданбалы цикл (сурет, дене шынықтыру, технология, қолөнер, АӘД).

3) «Шығармашыл толқын» (бастауыш сынып және мектепке дейінгі білім беру ұйымдарының педагогтері, музыка мамандары);

4) «Сабақ аяқталған соң...» (сынып жетекшілері, тәрбиешілер, қосымша білім беру орталықтарының педагогтері);

5) «Психологиялық сандықша» (психологтар, логопедтер, әлеуметтік педагогтер).

10. Баяндама жасау түрлері: еркін түрде білім беру және тәрбие процесінің үлгісі, білім берудегі менеджменттің, сабақтардың, сабақтан тыс іс-шаралардың, инновациялық идеялардың тұсаукесері (шеберлік сыныбы, баяндамалар, портфолио).

11. Жобаларда өскелең ұрпақтың дамуы мен тәрбиесінде пайдаланылатын білім беру технологияларының құрылымын, мазмұнын, түрлері мен әдістерін ұсыну. Регламент – 7-10 минут.

12. Жобаларды ресімдеуге ұсынылатын талаптар:

жобаның көлемі шексіз;

RS Word мәтіндік редакторында Times New Roman шрифтімен жазылуы керек (әр жолдың аралығы бірыңғай, шрифттің көлемі 14, шет сызығы 25 мм);

титул парағында автордың толық аты-жөнін, жобаның атауын, бағытын, қызметін, білім беру ұйымының мекенжайы мен телефонын, автордың мекенжайы мен телефонын, e-mail көрсету қажет. Фестивальге ұсынылған жобалар рецензияланбайды және қайтарылмайды.

13. Ұйымдастыру комитетіне келесі құжаттарды электрондық және қағаз тасымалдағыштарда ұсыну:

фестивальге қатысу туралы өтінім;

қазақ және орыс тілдерінде жобаның аннотациясы;

Фестиваль материалдарының жинағына енгізу және сайтқа орналастыру үшін жобалардың тезистері.

14. Фестивальге авторлық құқық нысаны болып табылатын құқық иесінің келісімінсіз пайдаланылған жұмыс үзінділері бар материалдар қабылданбайды.

Фестиваль жеңімпаздарын анықтаудың жалпы өлшемшарттары

15. Бағалау өлшемшарттары:

- материалдардың фестиваль тақырыбына, мақсаты мен міндеттеріне сәйкес келуі;

- ұсынылған материалдардың ерекшелігі және шығармашыл дербестігі, жеке және мәдени өзгешелігі;

- баланың жеке ұстанымын қалыптастыруға, рухани-адамгершілік, азаматтық және эстетикалық өзіндік сана-сезімі, нәтижелі қарым-қатынасын, жоғары деңгейдегі мотивациясын дамытуға бағытталуы;

- педагогикалық қауымдастыққа таратуға арналған материалдардың мазмұнды және сапалы безендірілуі, шеберлік деңгейі;

- шығармашылық жобаның, оқудың, сабақтың әдістемелік құндылығы және әлеуметтік мәні;

- іс-шаралардың ғылымилығы, заманауилығы, динамикалығы қарқындылығы, технологиялығы;

- шығармашылық жобаның, оқудың, сабақтың технологиялары, ұйымдастыру моделінің форматы, жаңашыл идеялардың таралуы мен пайдалану мүмкіндігі;

- ресімдеудің талапқа сай болуы.

Ұйымдастыру комитеті

16. Фестивальге басшылық етуді Ұйымдастыру комитеті жүзеге асырады.

17. Ұйымдастыру комитеті мына функцияларды орындайды:

- фестивальдің ресми интернет-парақшасында әдістемелік және ақпараттық колдауды қамтамасыз етеді;

- фестивальдің бейнелемелері мен жарнамалық өнімдерінің макеттерін, әдістемелік ұсынымдарын, ағымдағы құжаттарын, бұқаралық ақпарат құралдарындағы жарияланатын материалдардың мазмұнын бекітеді;

- республикалық фестивальдің өту тәртібі мен мазмұнын бекітеді;
- фестивальдің қорытынды кезеңінің өту орны мен мерзімін анықтайды;
- фестиваль дипломдарын беру ретін белгілейді;
- фестивальдің қорытынды кезеңіне қазылар алқасын құрайды.

18. Фестивальдің алғашқы кезеңін өңірлердегі әдіскер-ұйымдастырушылар (жоба үйлестілушілері) өткізеді. Олар төмендегі функцияларды жүзеге асырады:

- Фестивальдің өңірлік ақпараттық алаңдарында әдістемелік қолдау және ақпараттық қамтамасыз ету;
- өңірлік қазылар алқасының құрамын бекітеді;
- өткізу тәртібін, мерзімін анықтайды (фестивальдің бірінші кезеңінің басталуы мен аяқталуының белгіленген шектеулерін ескере отырып);
- Фестивальдің өтінімдері мен материалдарын жинауды қамтамасыз етеді;
- Фестивальдің ашықтығы мен айқындығын қамтамасыз етеді;
- Фестивальдің алғашқы (өңірлік) кезеңінің жеңімпаздарын және дипломдарды беру орны мен тәртібін бекітеді;
- Фестивальдің алғашқы кезеңінің жеңімпаздарының материалдарын Ұйымдастыру комитетіне уақытында ұсынады.

Қазылар алқасының функциялары

19. Қазылар алқасы мынадай функцияларды жүзеге асырады:

- конкурстың республикалық кезеңіне ұсынылған конкурс материалдары және қорғауы негізінде өлшемшарттарға сәйкес Фестивальдің республикалық кезеңінің конкурстық сынақтарының орындалуын балмен бағалайды;
- Фестивальдің қорытынды кезеңінің қорытындысы бойынша рейтинг кестесін құрастырады;
- Фестивальдің республикалық кезеңінің қатысушыларын анықтайды;
- Фестивальдің жеңімпаздарын анықтау барысында бекітілген құрамның жалпы санынан кемінде 2/3 болса, қазылар алқасының шешімі заңды болып есептеледі. Ұпайлардың саны тең болған жағдайда соңғы шешімді дауыс қазылар алқасының төрағасының дауысы болып табылады.

20. Қазылар алқасының шешімі хаттамалармен ресімделеді. Хаттамаларды жүргізу қазылар алқасының хатшыларына жүктеледі.

Фестиваль жеңімпаздарын марапаттау

21. Фестиваль жеңімпаздары Қазақстан Республикасы Білім және ғылым министрлігінің I, II, III дәрежелі дипломдарымен, «Дарын» РҒПО-ның Құрмет грамоталарымен марапатталады.

22. Фестивальге қатысушыларға «Дарын» РҒПО-ның сертификаттары табысталады.

23. Фестивальдің жеңімпаздары мен жүлдегерлерінің жұмыстары «Дарын» РҒПО-ның ақпараттық-әдістемелік журналына және Фестивальдің жинғына енеді.